

Hakkiwa Adamganabe Dunya Ngaro Wowurtəgənama

Katiwu Kura

Adamgana woso kalkal ye kamanzəga nəmngalwo hakkiwa-a nambe-a kənzambibelan kozənyi ye.

Lardəwa Tawakkata Dunyabedə hakkiwa adamganabe ndubesoga haptaa-a nzətkawo-a nzəliwo-asoro tarai cizə dazəna. Tarai cizə datənə adə Tawakam Lardəwa Tawakkata Dunyabebe duwo nəmkam ummawa dunyabebe suro hakkiwa adamganabe-a kuru suro daraja-a nəmngalwo-a ummabe yitatawatsəgənadəben culuwo.

Suro Hakkiwa Adamganabe Dunya Ngaro Wowurtəgənadəben Lardəwa Tawakkata Dunyabedəye futu kəskelan asutinro hakkiwa duwo kam wosoro kalkalro kartaa adəga bayangono.

Hakkiwa anyi nyiro kartaa.

Sandi anyi hakkiwanəm

Sandiga tigənəmro fatkəgəne. Banane sandiga hapkəgəne ye liwe ye kəlanəm-a ummawa amanəm gade gapsəna-asoro.

Yitagattəga

Adəgaima tada adamganabebe nəmngalwonə kambaata adə-a nəmduasə kalkalnə-a hakkiwanə Alanjo-adə shima ferno nəmkambe-a jirebe-a nəlefabe-aro dunya ngason asutəna,

Adəgaima hakkiwa adamganabero cistəga ba-a fallaktə-abe sawowuro kəndowa halye kurzənyi waazə hangal adamganabero karega rozəgəna, kuru dunya duwo suron adamganasoye tamtam hakkinza manabe-a nzasarabe-a kuru nambe duwo dalil baaro citə-a jero-abadə shima awo talaawaye təmazana woro warmowotə,

Adəgaima awo mərədətənədə susu adamganaga dunon təkə nəmzaləm-a njokuno-a kəriwutəbedəro howum maibeye hakkiwanzaga səliwodəma,

Adəgaima awo mərədətənədə tawaa-a nəmkam-a indikate lardəwaben haptaadəma,

Adəgaima ummawa Lardəwa Tawakkata Dunyabeye suro Tawakamdəben kamburshenza kəla hakkiwa adamganaben nanazaana, kəla daraja-a nəmngalwo-a adamganabe-a kəla kamu-a kwa-a hakkinza kalkal-aben kasadə gozana tamtam-a kəndəga ngəla-a hapsaa nambe gayaga fandoro,

Adəgaima Lardəwa Memba Kaapkadəbe woso wadəga gozana, tawaa Lardəwa Tawakkata Dunybemben, daaraja ndubeso haptaa-a hakkiwa adamganabe-a nambe gaya lajiptə-a galtəro,

Adəgaima wadə adəga yitagatəga nankaro hakkiwa-a nambe anyi-a asutadə awoye gaya linta,

Adə Nankaro

Samno Kura Dunyabedəye

Hakkiwa Adamganabe

Dunya Ngaro Wowurtəgəna Adəga

warmazəga

shima mizan ummawa-a lardəwa-a duksoye yitagattəgəbe wo, daji daryenzədə ndu-a nduana-asə fellawan kunten, Wowur adəga karəgən roza, ndusoro yikkəlio-a ilmutəgə-an hakkiwa-a nambe anyi-abe nəmgayanza haptaro, suro lardəbe-a indikate lardəwabe-ason ndusoye kalkalro asuzə lajipsə, suro ummawa Lardəwa Memba Karapkadəbe-a suro ummawa gade sədiyanzalan dawuna-ason.

Babu 1

Adamgana woso kambe katambo ye daraja-a hakkiwa-ason kalkalye. Hankal-a nazaru-asoro kəzəpkə ye suro hal nəmharamiben kamazasoga letaiyin ye.

Babu 2

Hakkiwa-a nambe a suro Wowur adəben dəganadə ndu-a nduana-asə kartaa, gayirtə futubibema baaro, gayirta alama jilibeso, kadigəbeso, alagəbeso, təlambeso, adinbeso, siyasəbeso au rayiwu, lardə gade au kaduwu gade, kənganti, tambo au awowa laa gade anyiga samunzəna.

Anyibe ngawoman nduma kəla siyasaben kal, kəntəwoben kal au daraja dunyalabe sawawuro kal kərye au lardə kamdə dəganabe sawawuro gayirtinba. Lardə shi gultənama adə kərmai kəlanzəben karga, amanaro musko lardə gadəben karga, kəlanzəlangənyi karga au sədiya kaidawa kəntəwobe laan karga yaye kal.

Babu 3

Ndu yaye hakkinzə kəla ronə-a nəmkambenzə-a nəlefa kəlanzə-aben mbeji.

Babu 4

Nduma kənji au kaliyaro təgandinba, nəmkənjiro gərtə-a kənji lado-asə awostə ye daptə ye.

Babu 5

Nduma njokunoso, nəmkəladoso, shimaso, azawasə, gənətəginba.

Babu 6

Ndu yaye hakkinzə ndaran yaye shiga kamro asutabe mbeji fuwu howumbelan.

Babu 7

Nduso fuwu howumben kalkal ye kuru gayirta baaro howumye sandiga səliwin ye. Nduso hakkinzə nzəliwobe mbeji gayirtalan fallaktə Wowur adəbe sawawuro-a kəla lan laa gade gayirtadə nankaro waazəna-alan.

Babu 8

Ndu yaye hakkinzə səlwu sandəna mataabe mbeji shara rakkata lardəbelan kəla hakkinzə gaya linta dusturye au howumye shiro cina namtənen.

Babu 9

Nduma dalil baaro kəntaso, jeroso, lardən dutaso ba.

Babu 10

Ndu yaye hakkinzə futu mərədətənaro shiga shara naptə kəlanzəbe walama baa ye jireə yebe kərəntabe mbeji kəla hakkinzə-a kaidawanzə-a kuru awowa gade shara zəgany-i a tawattaaben.

Babu 11

Ndu yaye ngawo ayawu sədənaben angərdə hakkinzə kawu shiro fuwu sharaben ngawo səliwo mərədətəna shiro sadənaben ayawunzəga tawatsaginro.

Nduma kəla awo abima gənyiben ayawuro tətəinba futubin waano yaye ayawudə ayawuro walzənyiga, sədiya howum lardəben au indikate lardəwaben,

sa ayawu adɔ tɔɔnɔlɔdɔn. Biya gɔnatɔginro walwono yaye ayawu sadɔn tɔɔnɔnadɔga kozɔna gɔnatɔginba.

Babu 12

Ndu kɔla baaro wujirwa kɔlanzɔbema, yalwanzɔbema, au lamar lenɔm-arenzɔbemarɔ ci tɔkinba, biya kɔla nɔmkamnɔ-a darajanɔ-a-be nankaro fitɔnatinba. Ndu yaye hakkinzɔ howumye shiga nzɔlifobe mbeji kɔla dalil baaro wujirwanzɔro ci nzɔkko-a fitɔnatɔ-abɔn.

Babu 13

Ndu yaye hakkinzɔ famno-a fato gar-abɔ mbeji suro dɔrinɔmkɔllɔ lardɔ ndasobɔn yaye.

Ndu yaye hakkinzɔ lardɔbi yaye luwum koltɔbɔ mbeji, lardɔ kaanzɔn kuntɔn, kuru lardɔnzɔro waltaabɔ yɛ mbeji.

Babu 14

Ndu yaye hakkinzɔ lardɔwa gadɔn nafaka nzɔliwɔ kɔlanzɔbɔ nankaro mata-a fando-abɔ mbeji.

Hakki adɔ ayawuwa gadɔ siyasaɔ letanyi au bigɔwa gadɔ nya-a kasadɔ-a Lardɔwa Tawakkata Dunyabɛa kɔla kɔlzanyiro faidatinba.

Babu 15

Ndu yaye hakkinzɔ nɔmkam lardɔbɔnzɔ mbeji.

Nduma dalil baaro nɔmkam lardɔbɔnzɔ adɔga daptinba yɛ hakkinzɔ duwɔ nɔmkam lardɔbɔnzɔ faltɔbɔ yɛga daptinba.

Babu 16

Kamuwa-a kongawa-a wuraaatɔ angalla wosɔ, kalangi abibɛma baaro jilibɛma, lardɔbɛma, au adin gadɛbɛma , hakkinza nyiya kɔndobɛ-a yal fandobɛ-asɔ mbeji. Sa nyiga kɔndobɛlan sandi indiso hakkinza kalkal kuru adɔgaima sa gadɛtɔbɔ ishiya yɛ.

Nyiyadɔ sai kasada sandi indi kamudɔ-a kwadɔ-abɔ mbejilan duwɔ tɔdin.

Kɔndɔga kamun kwanbedɔ shima badiyaram mɔradɔgata gaya ummabɛ wo kuru sandiga kɔndɔgaram-a kɔryɛ-asɔn sɔlifɔdɔ hakkinza.

Babu 17

Ndu yaye runzɔlarɔ razɔgɔ gantɔdɔ hakkinzɔ kuru adɔgaima shi-a am-a kɔltɔm gantɔdɔ yɛ.

Nduma dalil baaro razɔgɔnzɔga firtinba.

Babu 18

Ndu yaye hakkinzɔ nazaru kɔndobɛ-a tawakarbɛ-a adinbɛ-a mbeji, suro hakki adɔbɛn nambe adinnzɔ au nzasaranzɔ faltɔbɛ-a nambe shi tilonzɔ au suro jamuwubɛlan fɛtɛro au ashirlɔn adinzɔ au nzasaranzɔ yikkɔliɔ-a kɔndɔ-a abuttɔ-a lajiptɔ-alan tartaabɛ mbeji.

Babu 19

Ndu yaye hakkinzɔ rayiwu-a bayan kɔndɔ-abɔ mbeji, suro hakki adɔbɛn nambe rayiwnzɔ kalma baaro bayanjin kuru shilan nzɔra majin yɛ sɔmoyin yɛ kuru hawarazɔgin futu hawarbɛ jilibin yaye kɔlangai baaro.

Babu 20

Ndu yaye hakkinzɔ suro nɔlɛfabɛn samno sapta-a maamala kɔndɔ-abɔ mbeji.

Nduma dunon karapka kasatsɔnyiro nzɔkko ba.

Babu 21

Ndu yaye hakkinzɔ suro gumnati lardɔnzɔbɛro ci nzɔkobɛ mbeji, shi kɔlanzɔ au wokkilnzɔ futu kalkallan kartɔnambɛn.

Ndu yaye hakkinzɔ suro lardɔnzɔbɛn jamaro tunotobɛ mbeji.

Kasada jamabedɔ shima fɔrtɔ kɔntɔwɔ gumnatibɛro walzɔ, kasada adɔ suro karno gondua yɛ jirɛbɛ yɛ lardɔ kɔpson ndu-a nduana-asoyɛ sɔdin yɛ kuru kuriya suro ashirlɔn au ashirga samunzɔnalan tɔdinbɛlan bayantɔ.

Babu 22

Ndu yaye kɔla shi mɛmba ummabedɔn, hakkinzɔ nzɔliwɔ-a asutɔ-abɔ mbeji, kasadɔ lardɔbɛmbɛn au tawaa indikate lardɔwabɛmbɛn futu fasal-a nyama-a lardɔdɔbɛ lɔgatarro, razɔgɔ-a nɔmkamnɔ-a tɔgalisɔ baaro yita fuwutɔgɔ.

Babu 23

Ndu yaye hakkinzɔ cida kɔndobɛ mbeji, cida sɔragɔna karzɔ kɔndɔ-a futu kaida sandɔnalan kɔndɔ-a kurumason kaidu cida babɛlan shiga nzɔtakawɔ-a.

Ndu yaye, gayirtɔ futubibɛma baaro, hakkinzɔ cida sɔdɔna lɔgatarro shiga alutɔbɛ mbeji.

Ndu yaye cidama sɔdinga hakkinzɔ awo alutɔginmadɔ shi-a yalwanzɔ-a futu darajanza nɔmadamganabɛ lɔgatarro sandiga cittɔnnama alutɔgɔbɛ mbeji kuru nzɔra yaye nasha laa jamaro nafaka kɔnjobɛlan mbejiga diwijinba.

Ndu yaye hakkinzɔ karapka cidawubɛ koktabɛ au kɔlanzɔ nzɔkkobɛ mbeji tamtam kɔlanzɔbɛ nzɔliwɔ nankaro.

Babu 24

Ndu yaye hakkinzɔ tusu-a kundushi kɔndɔ-abɔ mbeji, loktu cidabɛ angalbɛ kurzɔna-a batalla biyaa-a kuntɔn.

Babu 25

Ndu yaye hakkinzɔ futu kalkalro mɔradɔtɔnarɔ kɔndɔgabɛ nɔlɛfa-a kɔndɔga kɔji shi kɔlanzɔ-a yalwanzɔ-abɔ mbeji, hatta kɔmbu-a kɔnza-a kazɔmu-a fɔtɔ-a, kurun-a awowa gadɛ tamtambe mɔradɔtɔnan kuntɔn-a, kuru hakkinzɔ shiga nzɔtkawobɛ mbeji wanɛɛ cidaba laa, kundondi laa, nɔmmaskin laa, nɔmkamba laa, ngɔli kurwu laa au kɔndɔgaram kun-balimbɛ laayɛ shiro kɔntɛri cuwutɔga.

Ya kɔndɛwu-a tada tiwal-asɔ ngɔlarɔ cistɔgɔ mɔradɔzana. Duli dukso, nyiyaa au nyiya baalan katambo yaye sɔliwɔ fandɔdɔ hakkinza.

Babu 26

Ndu yaye hakkinzɔ shiro ilmu kɔnjobɛ mbeji. Ilmu gultɔna adɔ dɛ sulro tin, gananzɔ yaye ilmu badiyarambɛ-a fuwunzɔbɛ mɔradɔtɔna-a. Ilmu badiyarambɛ gultɔna adɔ kɔnjonzɔdɔ mburo walzɔna. Ilmu nzundubɛ-a shanabɛ-adɔ ndarason mbeji yɛ tɔwandin yɛro tɔdɔ kuru adɔgaima ilmu sandin fuwunbedɔ yɛ ndusoyɛ sɔwandɔ kɔrajinro walzɔ natɔgɔyɛ suwudiya.

Ilmudɔ nɔmkam kamilga garta-a dunɔatɔ hakkiwa adamganabɛ-a nambɛnzɔ-a nganzazɔro walzɔ. Asutu-a kanadi-a nɔmkam-a indikate lardɔwabɛn fuwuzɔgin. Nɔmgadɛ jilibɛ au adinbɛ barɔ sɔdin, kuru lardɔwa Tawakkata Dunyabɛyɛ cidanzɔ nɔlɛfa rotabedɔga yitafuwuzɔgin.

Yasɔ Awasoyɛ hakkinza burwoza jili ilmubɛ mɔradɔzana karza dulinzaro gultɔgɔbɛ mbeji.

Babu 27

Ndu yaye hakkinzɔ kal baaro lamarwa adabɛ jamabɛlan gaam luwobɛ mbeji, adawadɔn tamtam fantɔ-a yasan ngalwɔtɔgɔnzɔro kɔla nzɔkko-a kuru

faidanzən riwa fando-a.

Ndu yaye hakkinzə nzəliwobe mbeji kəla lamar bərzəm-a kəla ro-aben cida nasha kimiyaben kal, ruwoben kal au muskon tandoben kal shima kunkunzə sutuluiya.

Babu 28

Ndu yaye hakkinzə howum duwo hakkiwa-a nambe-a suro Wowur adəben dəganadəga yita bayanzəginma gantobe mbeji.

Babu 29

Ndu yaye cida jama suron dəgana sandi baslan nəmkamnə kaima baaro yitafuwuzəgin adəbe kəndobe mbeji.

Suro hakkiwanzə-a nambenzə-a yitagatsəginben, ndu yaye kəlangai howumye gənazənaro dazəgin təganasməro dalil hakkiwa-a nambe-a jama gade gapsanadəbe asutə darəjatə-a mərədəwa lamarwa bərzəmbe-a kaida suro jamaben kəndəgabe-a suro naptəram demokəradiyaben nəlefa fando-a.

Hakkiwa-a nambe-a anyi futubiman dalil Lardəwa Tawakkata Duniyabeye ferzənadən nguron dalilwa gadero faidatinba.

Babu 30

Abima suro Wowur adəben fasaranzə lardəro, samnaro au kamro kartaaro tən̄yi, amari hakki abima kəndobe au nya laa nganzatəbe kəla hakkiwa-a nambe-a suro adəlan dəganadəben bannaro fasartən̄yi ye tən̄yi ye.